

docsriver 文川网  
入驻商家 古籍书城

在文川网搜索古籍书城 获取更多电子书

docriver 文川網  
入駐商家  
在文川網搜索古籍書影 获取更多電子書

中國方志叢書·華中地方·第五九〇號


據

清·朱壽保撰  
清光緒三十二年鈔本

影印

浙江省

# 富陽縣新舊志校記



成文出版社有限公司印行

122/02



中華民國七十二年三月壹一版

富陽縣新舊志校記

全一冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：上林彩色印刷有限公司

台北市 大理街 145 號

新聞局出版登記證：局版台業字第243號

富陽縣新舊志校記序

都邑之有志乘將以沿流溯源徵文攷獻攬山川之靈秀覘風俗之盛衰考政治之得失皆於是焉在故纂輯之難與史事同非具才學識三長未易執簡而操觚也曾子固曰惟蓄道德能文章者可以當之洵知言哉吾邑志自康熙來年久失修光緒己亥香山汪侯半樵來宰是邦集邑人士議重輯詢謀僉同馳書千里延任襄輯予方承乏東甌司教遠羈海瀕不獲從良有司都人士後參贊末議以効一得心竊滋疚嗣當事者貽緘商榷論多枘鑿覽其章程凡例辭甚菲薄舊志並應詆前哲名編或自夸飾意必胸有成竹鑪錘在手方冀其書一出斐然可

序

docsriver 文川网  
入驻商家 古籍书城

在文川网搜索古籍书城 获取更多电子书

docsriver.com商家古籍书城

富陽縣新舊志校記序

都邑之有志乘將以沿流溯源徵文攷獻攬山川之靈秀覘風俗之盛衰考政治之得失皆於是焉在故纂輯之難與史事同非具才學識三長未易執簡而操觚也曾子固曰惟蓄道德能文章者可以當之洵知言哉吾邑志自康熙來年久失修光緒己亥香山汪侯半樵來宰是邦集邑人士議重輯詢謀僉同馳書千里延任襄輯予方承乏東甌司教遠羈海瀕不獲從良有司都人士後參贊末議以効一得心竊滋疚嗣當事者貽緘商榷論多枘鑿覽其章程凡例辭甚菲薄舊志並應詆前哲名編或自夸飾意必胸有成竹鑪錘在手方冀其書一出斐然可

序

富陽縣新舊志校記卷上

表之後有記

凡例第四條云表之後有記按今各表後有論記當作論

舊以十鄉領七十五里

凡例第十一條云舊以十鄉領七十五里按舊志十鄉領七十二里五當作二

沿革表

志一邑之建置沿革與省志郡志異由屬而境而名而治以次  
逮叙簡而易明繁而不亂宜縱不宜橫非若省志郡志有某府  
某縣須分經別緯也故舊志無表即以表論亦當首縣屬次縣

富陽縣志校記

二

境次縣名次縣治方為有條不紊若先縣後屬形家謂之倒騎龍復按標題宜曰建置沿革表某某縣字應刪職官表同

志既改列為表自應參攷衆說折衷一是以伸獨斷乃表既不  
能詳列無遺附記當名曰攷異乃臚列舊文徒費楮墨有若贅  
疣村落表附記同

表第一格未注錢志富陽原額七十三里因長壽二里一里改  
隸錢塘故止七十二里今長壽九十仍為二莊又析坊郭三里  
為五莊故統一縣計之都有七十五莊云云按舊志坊郭區坊  
郭三里貴樂一里本為四里今析為五僅增一莊長壽隸東北  
區舊志東北十二里今析為十四應增二莊非祇長壽仍為二



莊也注皆誤

村落表

舊以十鄉分領七十二里亦曰七十二圖今志六區分領七十  
五莊其莊圖之名仍舊者祇十之四五餘則雍正年間大夫時  
從各區各圖轉撥分析更易今名纂輯者宜詳攷分注於其下  
方為明晰乃並不一一分注而但於羅山長福新順等莊注曰  
舊志無未免挂一漏萬且不注明於何圖分析何時更名遂之  
覽者又烏知今之某莊即昔之某圖耶

表後附記云富陽分莊有不可解者如在坊五莊宜北門一東  
門二南門三西門四恩波五則理路俱順而以東門起數為非

按坊郭分莊自雍正清丈始定制魚鱗冊籍以天地元黃編排  
天字坐東門南門故東門一南門二地字坐北門元字坐西門  
故西門三黃字坐恩波故恩波四惟北門坐號本應居三揆厥  
宗旨凡事始於東終於北東方甲乙木主發生北方壬癸水主  
歸宿故北門五門外有田有山與恩波俱在郭外無足異者又  
云鄉間各莊如學校一沙半隸江陰五半隸砥柱十一隔江甚  
遠按砥柱一圖舊半隸靈峯半隸江陰與學校沙隔江毗連析  
改今名顧名思義取砥柱中流之意甚明附記者知其一不知  
其二而以北東南西為順吾不知之矣

又附舊志十鄉下注為邨幾管里幾按舊志十鄉領二十八都

分管七十二里郵應作都

舊志南鄉無靈峯

按舊志戶口東南區有靈峯一圖至靈峯七圖臚列新志今砥柱瑞水八角等莊皆從靈峯析改何待注曰南鄉無乎惟西北區靈峯十四莊舊志無當改注

附六區十鄉七十五莊攷

舊志以鄉統都以都統里戶口志則分六區統七十二圖當時有一都領二三圖至六七圖而同一名稱者嗣於雍正年間清丈時衰多益寡就近歸撥改劃區域易圖為莊各區以一二三至十四莊止編排因其地之山川土物分析更名於是釐然秩

富陽縣志校記

卷七

四

然對若畫一江北四鄉富春鄉隸在坊郭析四為五而以春明  
二圖隸東北東北區壤地最廣故撥出臨湖二圖馴雉二圖隸  
西北區撥西北之洋漲二圖感化二圖隸西南區以清江界江  
南六鄉正南區最廣故撥望仙三圖隸東南區又撥儀鳳永寧  
各一圖隸西南區而以舊隸西南之大源二圖慶護一圖劃歸  
正南聯絡平均各安疆界今取舊隸新增研稽究核並舊時十  
鄉詳注於每區每莊之下俾覽輿地者知所攷證焉

坊郭區五莊富春鄉

西北區十四莊義豐鄉臨江鄉慈孝鄉

東門一舊作首樂

惠愛一義豐鄉

南門二舊作坊郭一

馴雉二全上舊隸東北區今撥增

西門三 舊作坊三

恩波四 舊作坊部  
今新增

北門五 舊作坊部三

東北區十四 壯 仙山鄉富春鄉  
慈孝鄉

安辰一 仙山鄉

安辰二 全上

春茗三 富春鄉  
作春明一

春茗四 全上舊作  
春明二

新順五 全上舊隸春  
明今析改

長福六 仙山鄉舊隸白  
井一今析改

富陽縣志校記 卷上

靈泉三 慈孝鄉舊  
作靈泉一

臨湖四 全上舊隸東  
北作臨湖一

安民五 全上舊隸東北  
別隸一今析改

惠民六 義豐鄉舊隸惠  
愛二今析改

惠民七 全上舊隸祥  
風三今析改

祥風八 全上舊作  
祥風一

祥風九 全上舊作  
祥風二

靈源十 慈孝鄉舊隸靈  
泉二今析改

瑞峯十一 臨江鄉舊隸看  
潮一今析改

看潮十二 全上舊作  
看潮二

五

白昇七 全上舊作  
白昇二

新政八 富春鄉舊誌  
春明今析改

長壽九 仙山鄉舊作  
長壽一副

長壽十 全上舊志  
無今新增

四仙十一 全上舊志  
無今新增

開化十二 慈孝鄉舊作開化  
一今析改為三莊

開化十三 全上

開化十四 全上

正南區十四莊 長春鄉  
惠政鄉

太平一 惠政鄉

看潮十三 全上舊作  
看潮三

靈峯十四 全上舊志無今  
從看潮析改

東南區十四莊 長春鄉  
詠歌鄉

望仙一 長春鄉

太平二全上

能仁三 長春街舊隸望仙六今析改

能仁四 合上舊隸望仙七今析改

大源五 全上舊作一三三四五二隸西南八今

大源六 撥隸正南全上

大源七全上

大源八全上

大源九全上

慶護十 惠政鄉舊隸西南今改撥

慶護十一全上

富陽縣志校記 卷上

望仙二全上

望仙三全上

江陰四全上

江陰五全上

宜昌六 全上舊隸江陰今析改

宜昌七 全上舊隸望仙今撥改

羅山八 全上舊隸江陰今析改

麗景九 詠歌鄉

靈峯十全上

砥柱十一 全上舊隸靈峯半江陰半今析改

六

慶善十二 全上

慶善十三 全上

長春十四 全上  
儀鳳今撥改

西南區十四 莊  
惠政鄉義安鄉  
臨江鄉永豐鄉

儀鳳一 全上  
惠政鄉舊隸正南區今改撥

儀鳳二 全上

洋漲三 全上  
義安鄉舊隸西

洋漲四 全上

常安五 全上  
舊作永寧道光元年避上諱改名

常安六 全上  
舊隸正南區今撥改西南

瑞禾十二 全上  
舊隸靈峯今析改

八角十三 全上  
舊隸靈峯今析改

八角十四 全上

善政八 全上

感化九 全上  
臨江鄉舊作一二隸西北區今改撥

感化十 全上

屠山十一 全上  
舊作屠山一

屠山十二 全上  
舊作屠山二

棲鶴十三 全上  
永豐鄉舊作棲鶴一



善政七 永豐鄉

樓鶴十四 全上舊作樓鶴二

### 職官表

職官署任之有年月所以紀歷任之久暫攷政治之得失至鄭重也有一任而數年者有一年而數任者必注月於年下其始終首尾方能明晰今表中但注年而不注月則舛誤必多咸豐以前無可攷矣同治以後檔案具在縣職學職俱未注月僅徐董二縣丞注月且權知曰署真除曰任亦當區別不得混同漢縣丞長湏見漢隸釋名宦志作張湏唐縣令董伸表不注有傳志有傳後唐吳越縣令陸仁璋志作陸仁章宋知縣王積翁表注失攷志有傳縣丞施學淵縣尉宋光祖表皆不注有傳志

富陽縣志校記

七

有傳元教諭錢夢祖湘鄉舉人志作桐鄉表不注有傳明知縣  
施陽德志作施陽得李殿志作李啟李概志作李概董口下注  
名佚志作董煜王惟孝上元舉人志作由鄉貢署吳江教諭升  
任富陽縣知縣楊春秋志作楊春杖奚樸表不注有傳志有傳  
表志不符二者必有一誤

宋縣丞史宜之注太師誥之姪紹興間任按宋史宰相史浩贈  
太師誥當作浩

明知縣朱永盛陝西城固縣人表作固縣人脫一城字

元知縣曹忠字維良燕人為富陽縣令見楊惟楨曹尹惠政碑  
按表有曹克忠至正間任據浙江通志不注有傳今志有曹忠

docsriver 文川网  
入驻商家 古籍书城

在文川网搜索古籍书城 获取更多电子书

傳無曹克忠表志互歧二者必有一誤

國朝知縣羅佐清同治二年任按羅任之前尚有何姓縣令志其名時癸亥二三月間蔣果敏大營駐紮中沙檄委何令知縣事賑撫難民頒給牛種木爰辦處理不善撤罷表遺列應稽檔冊補列

知縣余世諱字聲浦湖南人同治二年冬前任羅令因案撤罷時左文襄撫浙蔣方伯檄委署縣事計在十一月間至四年三月舉行童試尚在任其去任在是年何月及或在五年表皆失致余邑侯准治二載撫綏瘡痍建復縣署迄今四十餘年屹然完固其政績亦應補遺

知縣蕭元模同治四年任姚元滋十三年任教諭范許珍十一年任按蕭邑侯同治五年任姚邑侯十二年任范學帥十二年署任皆有檔冊可稽表俱誤

知縣許嘉德字修來華亭人同治八年初任修整衙署光緒三年復任值洋漲水災居民蕩析墊隘陳請大府轉移平湖倉穀散給災民因以少蘇又整頓觀山義渡造大舟四建渡口涼亭以惠行旅實政在民以視楮上空言者似猶愈之已

縣丞蕭琴嘉慶六年授來鳳縣訓導遷富陽縣丞當非一年事傳中序述不明表作六年任誤

教諭徐爾燮表無其人有徐爾燮不注有傳表志互異二者必

有一誤

訓導王應胃黃巖舉人同治五年任按應胃字次河同治五年以歲貢候選署富陽訓導愛士若渴樂育陶成諄諄不倦諸生晉謁惟以讀書教品相勗任未匝月以瓜代去迄今士林猶慕思之後中光緒丙子舉人卒於家

### 選舉表

選舉之有表或曰科第或曰科目意取新別其實選舉可概科目科目不足以概選舉表名選舉是已乃選舉外又立仕進一表以處雜流而正途之列選舉者又列入其中一人數見已嫌複沓至凡例謂前代無納粟人員按西漢司馬相如以貲郎進

卜式以納粟得官明代三途並用由吏員出身躋顯任者不知凡幾未聞載筆者別立一表以位置之即謂此輩挂名部籍不忍使之湮沒曷若循照向例附於選舉之後以歸統一乎

趙新永樂三年乙酉舉人八角里人人物志作靈峯里人按舊志無八角康熙時尚隸靈峯表作八角誤

王玉鑿順治九年中式會試第一名進士殿試一甲一名按丁松存續東河權歌自注東城金洞橋暗水西流武三元王玉鑿居在長明寺後里人稱王狀元園玉鑿字楚珩仁和人鄉試第一順治壬申會試復第一殿試一甲一名授福建都督僉事時海寇陷泉漳屬邑玉鑿出奇力戰生擒賊首楊炯韓泰等陞

陝西延綏都督同知調天津總兵致仕家居三十年年九十卒  
事載通志是玉璽為仁和人表與人物志皆誤入

胡懋勳慶護里人同治三年甲子歲貢按胡懋勳於同治六年  
丁卯科試補原同治十一年壬申據例納貢確可稽核若三年  
甲子尚未食錄何由貢成均乎表誤列

明太祖曰天下豪傑盡入吾彀中

選舉表序例有明太祖曰天下豪傑盡入吾彀中按唐王保定  
撰言太宗偶御端門見新進士聯綴而出喜曰天下英雄入吾  
彀中矣明太祖當作唐太宗豪傑當作英雄

仕進表



仕進之不宜有表已著論於前矣凡例有云自捐例減成無資不郎無粟不官抑若以此輩無足重輕也者又曰襍流多於正途若併於選舉表遂是謂末大於本按仕進表所列由俊秀得官者僅三十三人耳其官則丞簿巡典上之則同通州縣其中尚有分發到省並未握符捧檄者居三之一若正途則幾倍之且有董文恪文恭二公一代名臣出乎其間何謂末大於本乎是其持論已前後無據且表必經緯錯綜旁行斜上乃先後平列湮渭不分竇齊章氏所謂花名卯簿耳

表中各人姓名下注由某項通籍官某省某府某縣某職表名仕進厥名已非况紀載必從實實或署或任例有區別安得

概注曰官當書曰歷署某職歷任某職其未署未任者曰分發某省

馬紳由進士歷官江西鹽法道何如榮由進士官處州府教授章鯁由歲貢官宣平縣訓導注有傳檢人物志俱無傳邵暘由歲貢官勳西知縣章應龍由例貢官大田縣丞章繼華由例貢官北城兵馬司指揮金叔剛由儒士官江西道監察御史邵琇由例貢官崇慶州州判人物志皆有傳而表不注彼此互歧非應有而見遺即不應有而濫入二者必居一於此

夏承熙由武舉歷官至同安參將子日昇由監生官順德縣丞按表列日昇於前而列承熙於後父子倒置已乖體例又人物

志有傳表皆不注二者交譏舛孰甚焉

咸同間殉難紳民表

舉人朱炳琦歲貢何勳附生陳公壽何公錫王熙監生周光朝樓朝滿表注以上咸豐十年庚申殉按十年庚申二月粵匪陷省城數日即克復九月間陷縣城旋克復江以南並未陷賊先李父諱炳琦字玉巖於同治二年殉難奉旨卹贈都察院經歷銜蔭一子入監讀書期滿以縣丞用詳載兩浙忠義錄今表皆略而不書并殉難年月亦與忠義錄歧異率爾操觚何以傳信

朱壽作羅山里人同治二年正月粵匪自上游竄富陽蹂躪遍

鄉里壽作時年方十一歲救母被戕兩浙忠義錄嘉其孝烈因與陳永福同日殉難故合為一傳今表僅載其名而獨遺其事實應補遺

咸同間殉難婦女表

表第一格載監生朱濂女惜媛第二格又載夏儒尊聘妻朱氏靈峯里人按朱濂女即夏儒尊聘妻一人兩見且聘而未嫁當注羅山里人作靈峯非

表後論有曰吾甚怪夫金田起事本以爭天下為宗旨其所拂意者官耳兵耳於百姓無仇也云云按數語意似矜奇實乖於正攷粵匪紀畧洪楊起自教匪發難鄰郡流毒數省其盜弄潢

池與黃巢方臘闖獻同逆何得謂以爭天下為宗旨乎且官與兵皆朝廷所設豈彼所應仇者乎

### 節孝表

舊史節孝入列女循向例也今志於列女外特立節孝一表或以女有四德非一節所可概以才德顯著者入列女以苦節幽光者入節孝二者固相輔而行非有所軒輊於其間也乃表前序例有曰婦人以夫死不再醮為完節由於宋儒餓死事小失節事大一言以范文正公之賢而猶推恩於朱氏知當時禮俗猶通脫任情云云吁異已夫文正推恩同母乃孝子之苦心名賢之厚誼謂為通脫任情可乎又曰自明代朝廷有旌表之典

於是草野風動競以完節相矜奮語云楚王好細腰宮人多餓  
死况明明垂為令典乎此何等語以含冰茹蘗比之爭妍取憐  
是以夏姬唐突共姜也表末又論曰昔文王治岐內無怨女今  
之廢居夜月清霜孤燈對影謂為無怨吾不信也云云按孟子  
言內無怨女乃太王事蓋謂婚姻以時室家以正征役有期無  
勞人思婦之苦非謂當時無節婦也若文王發政施仁必先鰥  
寡孤獨甫田之詩曰哀此鰥寡大田之詩曰伊寡婦之利豈周  
盛時無寡婦乎夫以節婦為怨女未有表章節孝而曲筆譏訕  
如此其甚者也吾不知為此論者何憾於貞節而以不肖之心  
度賢媛哉古詩不云乎妾心古井水波瀾誓不起曷取斯言而

三復乎又有曰先王邈治以無怨女為盛象後王出治以有怨女為美德是不特非毀先儒抑且腹誹 旌典一論而三不避備焉斯言之玷不可磨也而猶曲為之說曰宋儒不法六經四書五帝三王而法秦皇李斯夫易言從一而終詩詠柏舟禮著三從春秋嘉伯姬非褒節之明訓乎雖然彼不記孟子違論六經哉

復按表名節孝所重在節婦女矢志不貳以清白貽父母舅姑令名節即是孝未有不孝而能節者今一表之中又分四格是自亂其例也且所分等格又甚倒置夫慷慨捐軀從容就義難易顯然節婦上事舅姑下顧妯娌託孤寄命萃於一身是節為

docsriver 文川网  
入驻商家 古籍书城

在文川网搜索古籍书城 获取更多电子书



上烈次之女未嫁守貞歸震川氏謂非禮經所予是真節又次之至所列孝女守貞不字果其至性奇特如古緹縈曹娥當入列女傳若尋常老死母家未字未醮無節可言烏得闡入此表歷朝旌表令典婦人年未滿三十夫亡守志逾三十載方為合格郡縣有司職任表章凡遇請旌必博訪口碑詳核事實學士大夫為之舉報里鄰親族為之具結何等鄭重不使無實者濫廁其間故足貴也乃表中所列有不合例者有並未請旌者甚多合例而名實相副不為請旌是誰之過與司其事者不自咎已之無識而信口雌黃因噎廢食徒使女史彤管從此無光夫硤硤可混瓊瑤則瓊瑤亦為減色况遺瓊瑤而拾硤硤濫